

PRIMICIAS

E prome viahe rond di mundo

E prome viahe rond mundo a wordo haci pa un grupo di 18 homber, kendenan tabata esnan cu a resta di un expedicion cu tabata consisti di 265 persona y cu tabata dirigí pa e navegante Portugues Fernando de Magallanes.

Hombenan di 9 pais a sali den barco hunto cu Magallanes y nan tabata den servicio di e Rey Carlos V di Spanje.

Nan a sali for di San Lucas de Barrameda den 5 barco dia 10 di Augustus 1519, cu rumbo zuid-west riba oceano Atlantico pa e costanan di Zuid Amerika.

Dia cu nan a descubri e pasada cu ta separa Isla di Fuego (Vuurland), cu ta wordo jamá awor Straat van Magallaan (Estrecho de Magallanes), nan a jega oceano Pacifico. Y tumando direccion nord-west nan a jega Guam, islanan Mariana, dia 6 di maart 1521.

Malesanan y hamber, tormenta y accidente a reduci e cantidad di personanan den e expedicion rapidamente y notablemente. Magallanes mes a wordo asesiná pa

FERDINANDUS MAGELLANVS SVPER ATIS ANTARCTICI FRETU ANGVSTIIS CLARISS



Riba e fotonan por mira Fernando Magallanes, como tambe e botonan den e expedicion, y un mapa cu ta indica cual ruta nan a tuma pa pasa rond di mundo.



nativonan di Filipinas durante un pleito. Bao mando di Sebastian del Cano, teniente di Magallanes, e sobrevivientenan a logra jega Spanje atrobe cu e gran 'triumfo' dia 7 di September di aña 1522.

E Maravillanan di Naturalesa...

Cangreu Hermitaño

Hopi sorto di criaturanan straño ta biba den fondo di e oceanonan di mundo. E **cangreu hermitaño** ta un di nan.

Como cu e cangreu aki no tin niun arma pa proteha su barica moli, e ta dobla su curpa y sconde den un cocolishi bashi cu e haya y e ta lastra esaki riba su lomba mescos cu un cas.

Casi tur **cangreu hermitaño** tin un **ANEMONA** di lama (zee-anemoon) pegá na su cocolishi. E compaño straño aki ta proteha ambos contra animalnan cu por atak'é, p.e. pulpo y calamar (2 sorto di inktvis). Esakinan no ta jega cerca, como cu nan no kier wordo picá pa e tentaculonnan di e anémoma.

Y mientras e cangreu ta keiro e ta aumenta e manera di alimentacion pa e anémoma.





Chabalito

Number 4 - Año VI - Afl. 2,=



BIBLIOTECA NACIONAL ARUBA



3 0993 00078 337 3